

Hvar om här bättre wist Rättsinng
heeten dömmmer.
Ju mehr I faren fort i denna fljt
och mōda/
Ju st̄dere bl̄jr Ehrt Loff och hm-
nogt mer Ehrt Prijs
Ty sådant leſwer wist/ slkt māltar
ingen v̄d̄a/
Fast Momi giffstat Land / här att
will giöra glijs.
At Swärgeſ Folck och Land må wäl
och länge grönsta
Det alla yſwerboor / medh migh må
gärna enſta.

Frid: Th: Bergman,



Deo Adjuvante 4.
DISPUTATIONEM PHYSICAM

DE

ECHO

Suffragio Amplissimi ordinis Phi-
losophici in Regia Acade-
mia Upsalensi

P R A E S I D E

Amplissimo Viro

Dn. PETRO

Lagerlöf

Eloquentiae Profes. Regio & ordin.
in Auditorio Gustaviano majo-
riad diem 20 Junii 1689.

Publice

a
exminandam proponit

FRIDERICUS Th: BERGMAN
Holmiensis.

Litteris Laurentii Wallie

Sz. Rz. M^{is.} D^o A^o S^o D^o
Summae Fidei VIRO
Regiae Aulae Cancellario
ILLUSTRISSIMO DOMINO
D. NICOLAO
Gyllenstolpe,
Libro Baroni
&
Domino
In Jakoila Segerstad / &c.
Studiorum Patrono Magno.

Illustrissime Domine
Udaciā meā excusatū
iri sp̄ero, quod pri-
mitias hasce academicas Ti-
bi Illustrissime Dn. gravi-
oribus multi negotiis occupato dedicare
audeam. Neq; hujus rei operose hic
causas explicabo: Ut enim alias tace-
am, pr̄cipue me huc invitat singularis
ille favor & benevolentia, qua Tu Illu-
strissime Domine omnes Musarum a-
mantē amplecti soles. Optarem qui-
dem ego potuisse specimen aliquod ma-
joris ponderis illustrissimo Nomiⁿ Tu^o
offe-

ECHO

offerre : Sed veniam tenui huic Iu-
nusculo conciliabit partim ætas mea, par-
tim ingenii verecundia conantis si non
magna honesta tamen ; partim etiam
Tua Illustrissime Dn. bennitas quam omnes
prædicant, ego vero etiam veneror atq;
suspicio, itaq; ; fretus isthac benignitate
vestra non dubito, quin Tu illustrissime
Domine tenuem hunc ingenii fœtum fa-
venti ; atq; serena fronte accepturus sis.
Ultimo ego precibus Summum Numen
compello ardenterisimis, dignetur Te Il-
lustrissime Domine in Reipublicæ, suæ
suorumq; commodum quam diutissime
superstitem servare, quod intimis ex
cordis visceribus voveo.

De votis suis cultor
Frid. Th. Bergman.

Eximio Domino Respondenti
respondens.

R Edde mihi voces. Musa, ex Helicone sonorat.
Oras ! Fit sapiens qui bene querit ? Erit.
Te semel amplexus semper retinebo ? Tenebo.
Quam resonat mea vox Te quia clama ? Amat
Sic, reor, ex voto cedent mihi prospera ? Spera.
Hacq; futura Tibi munera grata ? Rata.
Pramia an exspectem multorum pulcra laborum ?
Horum. Sic sequitur dulce levamen ? Amen

Ita ex amico affectu
gratulabundus lusi

ISRAEL KOL MODIN.
S. S. Th. Profes. Extrage.

Om Ceres Mig ock såg/ hur Echo
hon sijr ut/
Sö i din Ödenoff din odal Parker talar?
Nog at du rår hwarz Trå hwarz Lüd ock alla dalar
Män wet ey däf Natur som härmer dina Slut.
Att höra blått ock ey däf Egen skap först å/
År ha dåt Nöjet sem wår dyra Sidå för-ringar/
År stiåla Fiådren ur de ådla Sinnens Wingari/
At dåt Mot sin Natur vid Jordé twinges må.
Iha min walkra Wån sikt adla Sidålen först/
Föralkat Midas som vid Gullet sitt förträna/
Som hwad som ådlest är at Nedrigheten lånar/
Ock mitti Nöjet sitt har mer An Tantals Lörst.
Ty dåtta Wårk som i wår Echo helga fått
Ett walkert Giänliud lär til wara Nykti föra/
At Skogens Fålk ock wi här eftter må fa höra
En grund til dåd wi förr ha hört mäney försätt

J. Börk

D. A.

Thesis 1.



Um Animus fit
de natura Echus,
hoc est soni re-
percussi, mentem,
summa qua fieri
potest brevitate,
in lucem edere,
necessarium duxi quædam præmit-
tere de origine vocis, quam fronti-
spicium dissertatiunculæ hujus nobis
exhibit, de qua omnes Lexicogra-
phi convenient, quod ἡχω derive-
tur à voce ἡχη, hoc est sonus; un-
de etiam est verbum ἡχέω resono,
clango. ἡχη, conjiciunt quidam
deduci à perfecto ἡχη hoc est fre-
gi alij ab Flo, unde est clamo.

Thesis 2.

Postquam jam quam brevissime
Etymologiam attigimus, videamus
etiam aliquid de Synonymia dicitur

A

Græce

Græce ἦχος latine Echo dicitur resonantia, quo vocabulo usus est Vitruvius bis, Augustei xvi Scriptor. Significat autem non simplicem sonitum, sed sonum suo modo repercutsum, ut contra Vossium disputat Borrichius. Appellatur etiam apud Plinium reciprocatio, & ab alio sonus reciprocus, à quibusdam sonus multiplicatus sive reflexus, & soni reflexio tum etiam soni geminatio, sonus reduplicatus & soni vel vocis repercussio. Philargyrus super Virgilium notat imaginem dici, Ausonius autem nuncupat aëris & Kingæ filiam. Germanice dicitur Wiederschall/Gegenschall & wie-dertohn. Svetice Genliud/Igenliud Quidam etiam amant appellationem Liom. Præter hæc Synonyma non dubito, quin adhuc multa sint, quæ silentio prætereo nam plura enumere.

merare supervacaneum esse existimo.

Thesis 3.

Iam ordo postulat, ea, quæ Homonymiam spectant, attingere : Sed cum non multa inveniantur quæ circa eam observari è re sit, præter hoc quod Echo significet japhantiam & garrulitatem, lubens hæc mitto.

Thesis 4.

Ut naturam Echus percipiamus, è re esse duximus talem servare ordinem ; primo ut aggrediamur subiectum ejus, quod, ut ait Kircherus, duplex est, Mathematicum nimirum & Physicum. Iam de posteriori agamus, estq; illud, per quod sonus & Echo propagatur. Et sicut sonus aërem pro proximo agnoscit subiecto, sic etiam Echo idem querit subiectum. Nemo autem absolute negare potest, so-

¶ 4 ¶

num per aliud aliquod medium ferri posse, quod aëre suptilius est & therā nimirum, & adhuc per ali-
quod crassius, ut : vinum, aquam
& oleum, quam ob causam pluri-
mi Philosophi ut Senebertus & Bech-
mannus sonum fieri ex fractione
aëris & aquæ, dicunt. Sed utut sit,
tamen affirmare non dubito, soni
& Echus proximum & verum sub-
jectum aërem esse, atq; intelligo
hic per aërem Congeriem Corpo-
rum, quæ proxime terram ambit ,
quæ alias Atmosphæra dicitur, illa
constat materia tertij clementi, cu-
jus particulæ sunt ramosæ admodū
& irregulares, & instar plumularum
varie flexibiles, celerrimeq; hinc
illinc motæ. Aërem autem adeo
purum esse ab omnibus exhalatio-
nibus & vaporibus, quæ ex terra &
aqua continuo sursum cogantur ne
mo asserere queat, sed hæ omnes

par-

¶ 5 ¶

particulæ in altum elevatæ cum re-
liquis omnibus ibi uniuntur, & in
eundem motum cum illis conveni-
unt & conspirant, atq; ita constitu-
unt unum corpus fluidum, quod
compositum nomine aëris compre-
hendi potest. Cum præterea ne-
mo jure negare queat, omnes istas
particulas magnitudine & mole ma-
xime inæquales esse ut inter illas
spatia & anguli reperiantur quam
plurimi, & vacuum non dari à mul-
tis antea satis evictum sit, ideo re-
quiritur, ut his insit aliqua materia
subtilis, quæ apta est ad replenda
spatia pro ratione dispositionis
pororum.

Thesis 5.


Cum iam occupati sumus in de-
monstratione subiecti, permagni
interesse existimamus inferre sen-
tentiam Kircheri de altero subje-
cto Mathematico nempe, quod vo-

A 3

cat

64

cat lineam actionis, sive medium Phonocamppticum. Diciturq; illa linea actionis, via, qua sonus progressus tangit, quæ linea sonora si dicitur recta, redit sonus per illam, ad corpus unde ortum duxit, ut figura eam refert A B. Obliqua vero dicitur dum oblique in Oppositum corpus incidens, sub eodem angulo reflectitur, ut in figura est linea OS. & C D. quæ linea quadruplici modo fit, & tum variantur nomina, dicitur prima Anaphona id est supra sonora, quæ reflectitur in altum ex imo ut CD. ex C. secunda Cataphona id est deorsum sonora ex alto in imum reflectens ut : EF. ex A E. Vel reflectitur dextrorum ut U. X, Vel sinistrorum OS. Quod vero Echo non semper redit linea Phonica qua sonus it, est causa objec-



Etum, quod ita non situm sit, ut
sontum reflectere queat linea Pho-
nicā, quia linea sonora oblique
illud tangit, debetq; sine omni ex-
ceptione hoc observari, quod an-
gulus Phonoptotoris sive incidentis
sit æqualis, angulo Phonocampti-
co sive reflexionis.

Thesis 6.

De punctis, quæ necessaria sunt,
ut recte hæc intelligamus iam tra-
ctare officii mei esse arbitror, de
quibus Kircherus sic habet: primo
Centrum Phonicum sive punctum
ex quo omnes lineæ sonoræ initi-
um sive primum motum ducunt, ut
in figura videri potest punctum
A. Deinde sunt etiam plura Cen-
tra, nempe puncta extrema in li-
nea Phonocampica in qua sonus
reflexus auditui nostro se sistit, ut
sunt Centra BOVCE.

The-

Thesis 7.

Hicce prælibatis Objectum Phonocamppticum in quo Centra BOVCE. Locum obtinent, attingamus, atq; dicitur omne obstaculum sonum reflectens Objectum Phonocamppticum, uti est paries GKHL. Posit forte quis ex dictis concludere, non dari alia objecta sonum reflectentia, quam parietes, sed nostra neutquam est sententia, nam non tantum sunt objecta muri, rupeſ, parietes similiaq; corpora, quæ dura & solida ſunt; ſed & terra, arbores, folia, ligna, quamvis poroſa, maximeq; aqua & humores, qui aptiſſimi ſunt voces & ſonos reflectere, Et ut totam rem verbo complectar, ſcimus omnia objecta aeris vibrati & tremuli ſonum reddere; quem qvod non ſemper audiat ille, qui ſonum excitat, cauſa eſt, quod angulus incidentiarum

debet

bet ſemper æqualis eſſe angulo reflextionis. Et ſonus ſi non linea recta redit qua profluuit, non bene clamans potest percipere reflextionem ſoni, ſed aliud alio loco conſtitutus multo diſtinctius. Altera cauſa, cur Echo bene percipi nequeat à ſonante, eſt, quod non ab omnibus objectis pari modo & ſimili virtute ſoni resiliant, ſed corpora quæ lati conſtant poris recipiunt motum & non communicaſt tantam vim, ut aliqua tremulatio ſenſibilis fieri poſſit. Ad conſirmandum hoc quod lapides & folia ſatis apta ſint ad reſonantiam reddendam, referam quod legitur apud Kircherum, qui in Muſurgiæ ſuæ Universalis Magia Phonocampptica pag. 242 ait: ſe non ſemel in mediis campis inter Romanum & Tuſculum ſit, ubi nullus murus, nullæ arbores ſed virgula-

B

tan-

tantum & in hospita saxa agrorumq;
fulci dominabantur, Echo ta-
men non sine admiratione percipe
re licuerit, asseritq; virgulta & sul-
cos dictorum agrorum Echo illam
admirabilem effecisse quia illi ipsi
alio tempore memoratum locum
transiunti fulcis eversis virgultisq;
excisis resonantiam amplius audi-
re non licuit, ex hac relatione &
ex quotidiana experientia proba-
mus, quod praeter dura loca & so-
lida multa alia sint resonantiae ob-
jecta, nam in formatione Echus
non minimum effectum praestant
nemora & Colles, de quibus Virgi-
lius lib: 5. A Mid: sic canit:

Consonat omne nemus vocemq;
inclusa voluant

Littora : Pulsati Colles clamore
resultant.

De locis mirificis, quorum nar-
rationes intveniuntur apud scriptores
quam

quam plurimæ, multa quidem pos-
sent dici, sed hæc sequentia suffici-
ant pro ratione instituti. Memo-
riæ proditur apud Plinium in hi-
storia ejus naturali lib. 36. cap. 15
quod in Cyzico urbe Bithymia
apud portam, quæ Thracia appella-
tur turres septem acceptas voces
numerosiore repercuſſu multipli-
cent. Et ibidem ait: Olympiæ au-
tem arte mirabili modo, in porticu
quam ob causam id Heptaphonon
appellant, quoniam septies eadem
vox redditur. Etiam sunt, qui
narrent in quadam italiæ amplissima
venustissimaq; aula tot reddi
voces, quot dantur ibidem fene-
strarum spiracula. Gassendus et-
iam inter animadversiones suas in
Epicurum pag: 275. ait: Se olim
ad Carentonem expertum fuisse
intra ædificium quadratum, altera
parte longius, & absq; ullo tecto,

cum duobus quinarum Columnarum ordinibus, (quo loco extruum est iam Carmelitarum Coenobium) Syllabam decies septies redditam esse, imo perhibitum fuisse quibusdam voce validiore redditam etiam vicies sexies, priusquam evadens sensim extenuatior audiri prorsus desineret, quod fuit profecto admirabilius, quam redditam quater aut quinques, ut in Aegypti pyramidibus; vel etiam septies ut in Porticu Olympiæ. Kircherus in sua Musurgia lib. 9. etiam affirmit: Echo inter duos parallelos muros alternis repercussionibus infinitis propagari, donec vox nimia repercuSSIONe debilitata, tandem deficiat. Id etiam expertus est Celeberrimus Professor Valerius, quod testatur in dissertatione sua de Sono: Lapideas ædes sibi invicem in foro majori Upsal-

len-

lensi oppositas sonum scoperet ratiocinibus reddere, ut sonum in organis tremulum diu exacte imitetur; sunt adhuc plura objecta, quæ sane merentur dici artificiosa, ut laqueata teæta, ædificiorum antiquorum rudera, & ejus modi plura.

Thesis 8.

Quod autem attinet communem causam soni cujuscunq; fateri concurrunt omnes, esse illam explicatu admodum difficilem. Si enim varias ea de re philosophantium opiniones intueor, reperio eas tales esse plerasq; ut facilius quid in iis falsum sit ostendi, quam id quod est verum intelligi possit. Alii namq; dicunt fractionem atq; divisionem aëris esse causam soni. Verum experientia testatur, aëris istam fissionem solam non modo non aptam esse producendo sono, sed potius id efficere plerumq; ut mo-

motus atq; agitationis vel nulla vel exigua fiat continuatio. quæ tam
en continuatio ad perferendos sonos plane necessaria est. Alii vero
fluctus atque undulationes in aëre concipiunt, quales videmus in aqua
formari, si rem aliquam graviorem
injeceris. Ab omni enim parte rei
injectæ undulatio quædam oritur,
quæ per quam latissimum spatium
propagatur, donec reducta ad æ-
quilibrium aquæ superficie motus
ille plane cesset atque desinat. Cœ-
terum hæc res potest quidem eo in-
servire, ut similitudinis nobis loco
sit, quo pacto in aëre quoque à cor-
poribus collisis quaqua versum eva-
getur motus ille, qui aures ferit, so-
numque efficit, ipsius autem rei cau-
sam non explicat. Primo enim
sonus fit intra aëris profunditatem,
non autem in ejus superficie, quem-
admodum undulatio ista fit in su-
perfici-

perficie aquæ. Et comprehensu-
est difficile, quo pacto talis aliqua
Undulatio excitari possit, nisi in so-
la superficie rei fluidæ. Deinde hoc
quoque docet nos experientia, non
omnem aëris agitationem efficere
sonum. Multa enim sunt, quæ aë-
rem quam vehementissime agitant
atque concident, neque tamen ullum
fere sonum producunt, & contra
multa sunt quæ aërem vel leviter
stringant ac percutiant, & sonum
tamen efficiunt acutum & longead-
modum se provehentem. Ita ergo
mihi persuadeo, sonum qui à corpo-
rum ad pulsu mutuaque collisione
oritur, non fieri per agitationem
totius aëris circumjecti, neque o-
mnem ejus fluiditatem ad hanc na-
turæ operationem concurrere; sed
esse in aere particulas atque corpo-
scula singularis subtilitatis, quorum
hoc officium peculiare sit, ut conci-

Pianc

pian motum, qui deinde peculiari ratione organum auditus feriat atque promoveat; certe multa sunt, quæ ad hanc sententiam invitant. Nam quemadmodum non quorumvis corporum allatio efficit sonum, ita quoque non quævis aeris particulae sive crassiores sint, sive subtiliores, possunt sua agitatione sonum devehere atque perferre ad aures nostras. Sed velut odores excitantur in naribus nostris per peculiares quasdam particulas, & tactus blandimenta itidem per corpuscula quædam singularis exiguitatis ac figuræ sint. Ita quoque, licet aer rotus recte dicatur esse soni vehiculum, non tamen omnes ejus particulae hoc numero perfunguntur sed quædam, quæ aptitudinem peculiarem habent ad audiendi sensationem permovendam. Aptitudo autem illa videtur præcipue consi-

stere

stere in certa quadam excilitate atque figura; & deinde in summa celeritate, qua se mutuo istæ particulæ ciere, & in brevi spatio temporis motum suum quam longissime proferre possunt.

Thesis 9.

In Thesi quarta, ubi de subjecto soni verba fecimus, audivimus etiam aquam soni medium sive subiectum esse posse, quod etiam ex inde satis apparebit, qui apiscere audiunt. Urinatores etiam asseverant se sub aquis vehementiores sonitus percipere & tanto facilius, quanto minus ab aquæ superficie abfuerint, eadem ratio est, quare sonus per longitudinem trabis in una sua extremitate leniter percussæ multo facilius & celestius quam per aërem liberum feratur. Ratio hujus rei est ipsa continguitas, quæ in trabe & aqua multo major est, quam in aere, unde fit

C

quod

184

quod particulae in momento fere temporis se invicem premere possint. Ex dictis non fidei absolum sit, quod purei resonantiam fere efficiant distinctissimam, ut ait : Kircherus pag. 242. de puteo in atrio Palatii Vaticani, qui voces hominum etiam submississimas tam distincte refert, ut homines intus latere jurares, & quidem tanto perfectius omnia refert, quanto fuerit liberiori aeri expositus puteus, copertus enim tecto aut linteo nihil praestat ; Cujus rei talem Kircherus refert causam, quia tum fit duplex reflexio, quarum una ex fornice reflectit deorsum, altera ab aqua sursum, hicque confuse nihil vero distincte referre potest.

Thesis 10.

Quod pro varietate temporis variet Echo, quotidiana experientia nobis satis manifeste monstrat, no-

ctu

194

Etu enim & vesperi sonus & exinde Echo omnium optimè redditur, mane vero & meridie pessime, id etiam Mersennus fatetur in sua Harmonia universali Gallica, ubi ait : se in valle Montmorentia juxta ædes Ormes sonias Echo observasse, quæ cum noctu quatvordecim syllabas reperteret, interdiu non nisi septem, id est, dimidiā partem ex iis repetierit, cujus quidem rei causa alia esse non potest, quam quod tempore nocturno summa sit aëris tranquillitas, & imperturbata consistentia, tum etiam omnes homines constituti sunt in quiete, ceteraque omnia animalia, quæ certe carent vatis motus, subiectum soni aërem nempe impedientes, tunc temporis etiam non adsunt radiis solares, qui maxime agitantur & motum excitant, qui motus impedimentum summum est, ne sonus & Echo tam bene propagentur, &

C 2

quod

quod hæc ita se habeant, sufficiat
nobis loco experimenti: nostro i-
diomate dicitur Torrivedsticka / e-
jusmodi lignum, quod inservit no-
bis in igne struendo, quo pingvius
eo melius. Tale lignum si sumatur
digiti longitudinem æquans, atque
una parte latius altera acutius per aë-
ra manu vibretur majorem sane red-
det sonum in loco frigido quam ca-
lido. Ex quo patebit motum calo-
ris magnum impedimentum soni es-
se, hucque referri hoc potest, quod
in templis & amplis domibus popu-
lis repletis nulla fere auditur Echo: si
vero solus aliquis sonum excitans
adest, peregredia sentitur resonan-
tia, hujus rei alia non dari potest
ratio, quam effluvia, quæ continuo
ex hominibus per poros & respirationem
proveniunt, & supplent aë-
rem, ne motus vibratus suos præsta-
re queat effectus. Diurno vero tem-
pore

pore aëragitus innumeris motibus
obnoxius minime idoneus est ad per-
ferendum sonum, ergo Echo variis
veluti obstaculis impedita minus se
celerem præstat.

Thesis II.

De celeritate Echus geometrice
quicquam ostendere jubet quidem
ordo, sed cum de hac tractatione,
nullus scriptorum & Practicorum sit
consensus, sed ubi Blancus viginti
quatvor determinat passus geome-
tricos minimum spatium (est autem
minimum spatium illud quod unam
syllabam distincte post alteram au-
ribus clamantis sistit) Mersennus
vero sexaginta novem pedes ponit.
De his Kircherus pag. 244. talem
fert sententiam dicit se mirari quid
optimo Mersenno venerit in men-
tem, ut sonitum quemicunque in u-
no & eodem loco semper æque ce-
lerem esse asseruerit; si enim specie-

¶ 22 ¶
es soni forent intentionales, haud
dubie, ut invisibilibus speciebus ap-
paret, de ista æquiceleritate aliquid
concludi posset, sed ut, soni species
reales sunt, atque aëris undulatione
veluti vehiculo quodam transferan-
tur, certum est pro concitati aëris
vehementia celerius semper & cele-
rius sonum vectum iri. Et sicut pila
lutoria quo fortiori impetu muro il-
lidatur, tanto celeriori motu & con-
sequenter remotiori spatio reper-
cutitur, atque hæc sunt verba Kir-
cheri. Cum jam talem dissensum
inter tantos viros reperiamus me
excusatum puto si silentio hæc præ-
teream.

Thesis 12.


Postquam jam quantum pro viri-
bus potui, ostendi quomodo Echo
theoretice fiat, jam non inconsultum
duxi aliquid proponere de arte E-
chotestonica, id est quomodo Echo
miri-

¶ 23 ¶
mirifico modo audiatur, de qua Ma-
gia satis curiose tractavit Kircherus
in Musurgia sua, in qua ostendit,
Chorum alicujus Ecclesiae construi
eo artificio posse, ut tres Cantores
tantum præsent ac centum, quæ
tractatio magis Musicam spectat,
quam hujus est loci, eam itaque mit-
to ac multa alia experimenta, ut &
ea quod vox per tubos circulares
melius propagatur vehementiusq;
intenditur, quam per rectos. Deniq;
quod refertur ex Vitruvio Thea-
trum Echæum mirifico modo ædi-
ficatum, ut admirabilem repræsen-
tet resonantiam, quod Kircherus et-
iam secundum partes omnes expli-
cat hisce vertis: quod est ædifici-
um artificiosissimum & possibile ta-
le extrui posse, sed adhuc a nemine
tentatū esse. Adhuc demirifica Echo
Villæ Simonetta Mediolani, cuius
Erector erat Gubernator quidam
Medio-

Mediolanensis nomine Ferdinandus
Con-Zaga, in cuius fabricæ supre-
ma contignatione fenestra quædam
patet in qua vocem prolatam vige-
sies quater & pro intentione vocis
sonituq; amplius imo in infinitum
multiplicari, & plura enumerae su-
pervacaneum est, unam tantum ad-
ducere volo, quam Kircherus famo-
sissimam appellat, atque dicit ean-
dem fabricam hodierno die in Sici-
lia adhuc spectandam proponi,
quam alii Carcerem Dionysii Ty-
ranni, alii Auriculam, alii aliis no-
minibus intitulant; Quæ fabrica ita
se habet; est locus quidam extra
Urbem Syracusas, qui à quibusdam
carcer Dionysii appellatur, eamq;
ob causam extructus est, ut captivi,
qui inclusi ibidem tenebantur, ne
quidem spirare possent, antequam
à custode carceris audiretur, fuit
autem ut Figura monstrat à Tyran-

254

no informam auris ad naturæ exemplar singulari ingenio & industria extorta. A. planta sive Technographia Specus. B. locus interius ubi captus tenetur, qui insurgit ad quatuor ulnas & quatuor palmas; orificio versus et cum restringente se simul cum pariete ad ulnam unam & palmas septem. C. Porta qua intromittitur. D. finis Specus cuius altitudo assurgit ad ulnas quindecim. E. Canalis latitudo quæ trium est palmarum; est autem canalis in ipso laqueari specie summa diligentia excavatus, hic canalis à pavimento figuræ undecim, ad introitum distat ulnarum undecim, & in fine ab eodem pavimento figuræ 11. Ulnarum 15. altitudine, & eodem prorsus modo quo hic delineatum vides gyrum suum FFF perficit. E. denotat fenestram Cameræ sive habitationis Dionysii ad quam Canalis FFF portig-



26

rigitur. Videamus itaque obliquum
Canelem F F F. in saxo excisum una
cum cochleato antri ductu tantam
habuisse vim, ut vocem etiam quantumvis
submissam perfecte in Camera E. audire potuerit. Nota quod
figura I. denotat plantam sive Ichno-
graphiam pavimenti specus. II. vero
figura gyrum murosque parallelos
denotat, non tamen altitudinem.
Huc spectant alia multa ut Echo Ti-
cinensis, quæ tricies interroganti re-
spondere videbatur, immotam exactam
tamque distinctam singularum syllaba-
rum pronunciatione vocem re-
præsentabat, ut multi non naturæ o-
pus, sed Daemonis esse sibi persuase-
rint, cuius descriptionem qui uberi-
orem cupit, adire potest Musurgiam
Kircheri; Mersennum & Hierony-
mum Cardanum Mediolanensem qui
hisce de rebus satis nervose tractant.

The-

27

Thesis 13.

Duobus modis præcipuis Echo
nobis consideranda est, primum qua-
tenus est naturalis, quæ tractatio le-
vi penicillo adumbrata est, sequitur
deinde quatenus Gentiles admirati-
one ex ignorantia caussæ profecta,
eam pro Numine habuerint; De qua-
re variæ inveniuntur opiniones, ut
Lucianus ait: Virginem quandam
esse, quæ canentibus vel clamantibus
hoc modo respondeat, in mediis ali-
cubi præcipitiis habitantem ac lo-
quentem intus de rupibus. Poëtæ
vocant eam filiam Cephisi amnis ex
Liriope Nympha, eam nempe ob-
rem, quia in amnium ripis erit vox
resultare solet. Aliis Junonis filia
vocatur id est aëris, nam aëris natu-
ram sub Junonis nomine describi
aliqui existimant. Ausonius simi-
liter canit, vocans eam Aëris & lin-
gvæ filiam, nimirum quia vox fit
lingua

28

lingua pereutiente aera. Dicitur etiam Dea ignota oculis, quia nemo Echo & sonum videt, quem si quis sentiat fiat organo auditus. Eadem etiam ob causam dicitur Nympha nulli oculi visa. Existimatur quoque eam à Pane mirum in modum adamatam ; hujus rei causam habemus, quia Poëtæ fingunt Pana fuisse DEum Sylvarum, montium & convallium, ubi jocosa illa imago in primis regnat, ut ait Vossius in Theologia Gentilium. Lubet adhuc Poëtis fingere Echo potissimum respondere moerentibus & plangentibus, quia homines dolore capti potissimum querunt loca sola & deserta. Apud Poëtas invenitur etiam hanc Nympham captam flagrantemque fuisse amore formosi cuiusdam juvenis, quem nominant Narcissum, quo cum potiri non posset in vocem est commutata, ejusq; reliquias ho-

die

29

die Echo tradunt. Ovidius in Metamorph. integrum fabulam de illa narrat, cuius fabulae quosdam adducam versg, coetera qui volet ex fonte petat.

Sed tamen heret amor; crescuntq; dolore
repulse (cure)

Attenuant vigiles corpus miserabile
Adducitq; cutem macies; & in aera
succus (offas supersunt)

Corporis omnisabit. Vox tantum atq;
Vox manet: offa ferunt lapidis traxisse
figurans (detur,

Inde latet silvis: nulloq; in monte vi-
Omnibus auditur sonus est, qui vivit in
illa. Thesis 14.

Cum Echo haec pro Nympha haberetur, non defuerunt qui ipsi cultus divinum tribuere : Pythagoram hoc fecisse ex Symbolo ejus videtur posse concludi quod istiusmodi est;

Aγέων τούτοις την ίχνη ποστούνται, quæ
verba Marfilius Ficinus sic explicat:
Plantibus ventis Echo adora. Lilius

D 3

Gy-

Gyraldus Pythagoræ verba hoc p.
etotransluit: Adoranda est Echo,
cum flant venti. Recentior interpres
Joan. Carterius maluit: Ventorum
spirantium sonum adora. Præterea
adhuc multæ superstitiones olim fue-
runt, qnō d etiam testatur Erasm⁹ Ro-
terodamus, colloquio quodam, quo
inscribitur Echo, ubi Juvenis consu-
lere desiderat Echo, an utilius sit stu-
diis invigilare, an non; cui respōsum
semper datur ab Echo, & sane conve-
niens. Huc etiam referri potest, fabu-
la illa vulgo non ignota, de anicula
quadam quæ in summa annonæ cari-
tate unicam possidebat vaccam, quæ
cum fame premeretur animum indu-
xit Echo consulere an nnicam vac-
cam mactaret, nec ne, ivit itaq; in
Sylvassicq; vernacula sua lingua cla-
mans: Skaliagleſwa eller dōd? E-
cho responsum dedit dōd. Tum vetu-
la domum rediens vaccam unicam

ma-

mactavit, statuens secum vaccam
nulli relinquere velle, sed ea ipsa
vesci, eam itaq; devoravit, quam cū
comedisset, superstes tamen vetus
mulier erat, Sylvas itaq; repetens E-
cho interrogavit, hisce verbis: Skal-
iag dōd eller leſwa? Echus ultima
verba resultans respondidit, leſwa/
tum foemina mœrens domum rever-
sa est, & sensit se ab Echo fraudatam.
Huic narrationi aliquid simile refe-
ram ex Hermanni Lignaridi obiecta
mentis academicis: quod erat Augu-
stinus quidam Lavizarius iter nocte
faciens, ad flumen pervenit, quod
cum vado transire, vadum reperire
non posset, exclamat igitur: Oh? E-
cho statim iterat: Oh, ille existimans
hominem esse, quærerit: Unde debo
passa? id est: quo vado transeam. E-
cho respondit: passa. id est: Tran-
si. Tum ille qui? id est. Hic. Echo: qui
id est: hic. Cum vero ille strepi-
tum

5.

Q. B. V.

De

LUDIS CIRCEN- SIBUS Romanorum

Dissertatio

Quam
Permissu Amplissimæ Facultatis
Philosophice in Regia ad Emmam
Academia,

PRÆSIDE
OLAO HERMELIN,
Prof. Eloq. & Poës.

Pro solitiſ in philosophia honorib⁹,
publico examini
subjicit

MAGNUS GABRIEL EDENIUS
Jord: Fil.

Aō MDCXCII. d. XI. Junii.

DORPATI,

Excudit JOHANNES BRENDENKEN,
Acad. Typograph.

324

tum aquarum audivit territus de uno
exclamat: debo passa qui? id est:
num hic transeam. Echo responderat:
passa qui. id est: transeas hic,
parumque absuit quin ibidem in flu-
vium magno suo cum periculo de-
scendisset, cumque sepius interrogat-
ret, cognovit nihil sibi responsi da-
se præter sua propria verba, persuas-
sus tandem Echo esse, gradum sistit.

Habes jam, benivole atq; sincere
Lector, quæ de Echo juvenili labore
commentari potui, confiteor sane
multa adhuc considerari potuisse,
huc maxime spectantia sed pro æ-
tate, & ingenio meo adhuc plane pu-
erili hjs subsistere cogor, & humani
arq; benigni lectoris favori atq; in-
dulgentiæ me atque hoc qualecunq;
specimen meum commendo; futu-
rus nunquam immemor ejus gra-
tiax, quam mihi fieri in-
tellexero.